



Peter Olsen
Inatsisartunut ilaasortaq, Inuit Ataqatigiit

**Immikkut ittumik Kulturilerinermut Timersornermullu
aningaasaliissutissatut isumaqatigiissutit pillugit § 37 naapertorlugu
apeqqummut akissut**

Ulloq: 04-07-18
Suliap normua
Allakkap normua

Postboks 1029
3900 Nuuk
Oqarasuaat: +299 34 50 00
Email: ikin@nanoq.gl
www.nanoq.gl

Asasara Peter Olsen,

Inatsisartut suleriaasiat naapertorlugu apeqqutinnut qujanaq.
Apeqqutigineqartut tullinnguuttuni akissuteqarfigissavakka.

- 1. Apeqquut 1: Aningaasanut inatsisissamut 2018-moortussamut, Naalakkersuisoqatigiit isumaqatigiinniarnermi immikkut ittumik Kulturilerinermut Timersornermullu aningaasaliissutissatut isumaqatigiissutigini kuusaat sulit atuuttussanngortinneqarsimannginnerat ilumoorpa? Uani pineqarput Nunatta isiginnaartitsarfianut 3 mio.kr. Isiginnaartitsinermik suliaqartunut ataasiakkaanut suleqatigiinnulluunniit 1 mio.kr. Nunanut allanut unammisartunut 1 mio.kr. Timersoqatigiiffiit nipilersortartunik tikisitsisarnissaanut 1 mio.kr. Atuakkiortunullu 500.000,- kr**
 - A. Ilumoorsimassappat sumik peqquteqarpa sulit atuuttussanngortinneqarsimannginnerannut?**
 - B. Ilumoorsimappat taava qaqugu atuuttussanngortinneqarnissaat naatsersuutigineqarsinnaava? Piviusunngortinneqassappat?**

Akissut: 2018-imut Aningaasanut Inatsisissatut Siunnersuutip pingajussaaneernerani kulturimut aningaasaliissutaasartut amerlineqarnissaat Inatsisartunit aalajangiiffigineqarpoq, tassunga ilaatinneqarlutik suliniutissat apeqqutigisanni taasimasatit.

Aningaasat kontumi pingaarnermi 20.1170 suliniutinut sillimmatinit aningaasaliissutigisinnaasunngortinneqarput ilassutitullu aningaasaliissuteqarnissamik qinnuteqaatip akuereqqaarnertigut aatsaat aningaasaliissutigineqarsinnaalutik.

Nunatta Isiginnaartitsisarfianut tapiissutaasartut amerlineqarnissaanut aningaasat illikartitat tapiissutitut aningaasaliissutigineqarnissaanik

qinnuteqaatitaa Aningasaqarnermut Akileraartarnermullu Ataatsimiititaliamit tallimangornermi 2. marts 2018 akuerineqarpoq.

Taassuma saniatigut Naalakkersuisut 3,5 mio. kr.-nit sinneruttut immikkut aningaasaliissutigineqarnissaanik qinnuteqaat Aningasaqarnermut Akileraartarnermullu Ataatsimiititaliamut nassiuppaat. Inatsisartut siulittaasuata 13 marts qinersisoqarnissaanik nalunaaruteqarnermini Inatsisartuni ilaasortanut, Partiit allaffeqarfiinut Inatsisartullu Qullersaqarfianut qinersinerup nalunaarutigineqarnerata Inatsisartunullu qinersinerup akornanni periusissat pillugit nalunaarutaa Ataatsimiititaliamit innersuussutigineqarluni.

Siulitaasup ilaatigut ilisimatitsissutigaa:

"Qinersinerup nalunaarutigineqarneratigut Inatsisartut nalinginnaasumik sulisarnera unittoq.

Tassanittaaq pineqarluni ataatsimiititaliani sulineq. Tamatumalu kingunerisaanik qinersinissap tungaanut ataatsimiititaliat aallaaviatigut sulinaviangitsut.

ikke udvalgsarbejde i perioden frem til valget.

Aningaasaqarnermut Ataatsimiititaliamut tunngatillugu pissutsit immikkut ittut atuussimapput, tassami ataatsimiititaliaq aningaasaliinissamik suliasat politikkikkut attuumassuteqanngitsut kisiisa suliarisinnaasimammagit pineqartut inuiaqatigiinnik ingerlatsinermi tamanna pinngitsoorneqarsinnaatinnagu aammalu qinnutigineqartut ataatsimiititaliamit tamarmiusumit akuerineqarsinnaatillugit."

Tamatuma kingunerisaanik kontumi pingaarnermi 20.11.70 suliniutinut nutaanut sillimmatini aningaasat sinneruttut aningaasaliissutigineqarnissaanik ilassutitut aningaasaliissuteqarnissamik qinnuteqaat Naalakkersuisut nutaat ivertinneqareermata aatsaat nassiunneqarpoq.

Illassutitut aningaasaliinissamik qinnuteqaat massakkut Naalakkersuisunit suliarineqarpoq aasallu ingerlanerani naammassineqarnissaa naatsorsuutigineqarluni.

Inussiarnersumik inuulluaqqusilluta


Vivian Motzfeldt